



XALQ DEPUTATLARI RISHTON TUMAN KENGASHI

Q A R O R I

2022 - yil 30 - dekabr

VI-48-127-11-158-K/22

Rishton tumani hokimligi

Rishton tumanining 2023 yilgi mahalliy byudjetini tasdiqlash to'g'risida

O'zbekiston Respublikasi Byudjet kodeksining 99-moddasi, "2023 yil uchun O'zbekiston Respublikasining Davlat byudjeti to'g'risida"gi Qonuni loyihasi, Halq deputatlari Farg'ona viloyati Kengashining 2022 yil 30 dekabrda "Farg'ona viloyatining 2023 yilgi mahalliy byudjetini tasdiqlash to'g'risida"gi VI-52-171-11-0-K/22-sonli qarori hamda Farg'ona viloyati hokimligi moliya bosh boshqarmasining 2022 yil 30 dekabrda №01/01-38/2752-sonli xatlari ijrosi yuzasidan tuman Moliya bo'limi tomonidan xalq deputatlari tuman Kengashiga kiritilgan xujjatlarni muhokamasi va deputatlar tomonidan bildirilgan takliflarni inobatga olib, O'zbekiston Respublikasi "Mahalliy davlat hokimiyati to'g'risida"gi Qonunining 6, 24-moddalariga muvofiq Xalq deputatlari Rishton tumani Kengashi

QAROR QILADI:

1. Halq deputatlari Farg'ona viloyat kengashining 2022 yil 30 dekabrda "Farg'ona viloyatining 2023 yilgi mahalliy byudjetini tasdiqlash to'g'risida"gi qarori rahbarlik va ijro uchun qabul qilinsin.

2. "2023 yil uchun O'zbekiston Respublikasining Davlat byudjeti to'g'risida"gi Qonuni loyihasiga asosan ishlab chiqilgan Halq deputatlari Farg'ona viloyati kengashining 2022 yil 30 dekabrda "Farg'ona viloyatining 2023 yilgi mahalliy byudjetini tasdiqlash to'g'risida"gi VI-52-171-11-0-K/22-sonli qaroriga muvofiq 2023 yilga Rishton tumani mahalliy byudjetiga viloyat mahalliy byudjetidan ajratiladigan tartibga soluvchi byudjetlararo transfert 156,4 mlrd.so'm miqdorida tasdiqlanganligi hamda tuman mahalliy byudjeti daromadlari 109,2 mlrd.so'm va xarajatlari esa 265,6 mlrd.so'm miqdoridagi prognozlari ma'lumot uchun qabul qilinsin.

3. Qarorga asosan 2023 yilda:

a) Mobil aloqa xizmatlari uchun aktsiz solig'i va alkogol maxsulotlari, shu jumladan pivo uchun aktsiz solig'idan tushumlar 2022 yil 1 iyul holatiga ko'ra tuman aholisining viloyat aholisidagi ulushiga muvofiq o'tkazib berilishi ma'lumot uchun qabul qilinsin.

b) Quyidagi soliq turlari tuman mahalliy byudjetiga to'liqligicha o'tkazib berilishi ma'lumot uchun qabul qilinsin:

- jismoniy shaxslardan olinadigan mol-mulk solig'i;
- jismoniy shaxslardan olinadigan yer solig'i;

- aylanmadan soliq;
- yakka tartibdagi tadbirkorlar tomonidan to'lanadigan daromad solig'i;
- davlat mulki bo'yicha ijara to'lovlari;

v) Tumanlar mahalliy byudjetlariga quyidagi ulushlarda:

Qurilish materiallari bo'yicha yer qa'ridan foydalanganlik uchun soliq turidan tushumlarning 50 foizi;

Yakuniy iste'molchilarga benzin, dizel yoqilg'isi va gaz realizatsiyasi qilishdagi aktsiz solig'idan tushumlarning 20 foizi;

yer uchastkalariga bo'lgan huquqlarni sotishdan tushgan pul mablag'larining 50 foizi;

yuridik shaxslarning yer solig'i va mol-mulkiga solinadigan soliq hamda suv resurslaridan foydalanganlik uchun soliq turidan tushgan tushumlarning 50 foizi;

davlat byudjetiga undiriladigan jarimalarning 30 foizi;

Jismoniy shaxslardan undiriladigan daromad solig'idan tushumlarning (yakka tartibdagi tadbirkorlar tomonidan to'lanadigan daromad solig'idan tashqari) 50 foizi o'tkazib berilishi ma'lumot uchun qabul qilinsin;

4. Rishton tuman mahalliy byudjeti daromadlarining 2023 yil uchun prognoz ko'rsatkichlari 1-ilovaga muvofiq tasdiqlansin.

5. Tuman mahalliy byudjetidan 2023 yilgi hududiy byudjet mablag'larini taqsimlovchilarga ajratiladigan xarajatlarning umumiy cheklangan miqdorlari 2-ilovaga muvofiq tasdiqlansin.

6. Qonunning 8-moddasiga muvofiq zaxira jamg'armalari mahalliy byudjetlarning tasdiqlangan xarajatlarning kamida 1 foizi miqdorida shakllantirilishi belgilanganligidan kelib chiqib,

2023 yil uchun tuman mahalliy byudjeti zaxira jamg'armasi hajmlari 2,5 mlrd.so'm miqdorida tasdiqlansin.

Tuman hokimligi zaxira jamg'armasi mablag'larini tuman byudjetida ko'zda tutilmagan, kechiktirib bo'lmaydigan xarajatlarni, shuningdek, ijtimoiy-iqtisodiy beqarorlik yuzaga kelgan vaziyatlarda amalga oshirilishi zarur bo'lgan tadbirlarni moliyalashtirish uchun yo'naltirilishini ta'minlasin.

7. Qarorga ko'ra 2023 yil uchun tuman byudjetida yo'l qo'yiladigan eng kam mablag'lar o'tgan yilga nisbatan o'zgarishsiz ya'ni 812,0 mln.so'm miqdorda belgilanganligi ma'lumot uchun qabul qilinsin.

8.Tuman mahalliy byudjeti daromadlarning prognoz ko'rsatkichlari hokimlikning faoliyatiga bog'liq bo'lmagan holda 5 foizdan ortiq miqdorga bajarilmasa va moliya yili oxirigacha ushbu mablag'larning tushish ehtimoli bo'lmasa, viloyat hokimligiga xarajatlarni maqbullashtirish yuzasidan ko'rilayotgan choralar bilan birgalikda tartibga soluvchi byudjetlararo transfertlar miqdorini oshirish yuzasidan viloyat hokimligiga murojaat qilishi qonun bilan belgilanganligi inobatga olinsin.

9. Tuman hokimligi tashabbusi bilan qo'shimcha amalga oshiriladigan tadbirlar uchun talab etiladigan mablag'lar mahalliy byudjetning ijrosi davomida shakllangan qo'shimcha manbalar hisobidan amalga oshirilishi qat'iy belgilab qo'yilsin.

10. Tuman hokimligi byudjet mablag'lari taqsimlovchilar bilan birgalikda:

tegishli byudjetlarni birinchi navbatda ish haqi va unga tenglashtirilgan to'lovlar, oziq-ovqat va dori-darmon va kommunal xizmatlar xarajatlarini yetarli darajada rejalashtirilishini nazarda tutgan holda shakllantirilishini ta'minlash;

mahalliy byudjetning qo'shimcha manbalari hisobidan xarid qilinadigan tovarlar va xizmatlar, qurilish, rekonstruktsiya qilish va ta'mirlash ishlari olib borilayotgan ob'ektlar ro'yxati, shuningdek qurilish-ta'mirlash ishlarini moliyalashtirilishi to'g'risidagi ma'lumotlar har chorak yakunlariga ko'ra, keyingi chorak birinchi oyining 10 sanasiga qadar hokimliklar tomonidan majburiy tartibda o'z rasmiy veb-saytlariga joylashtirish;

mahalliy byudjetning qo'shimcha daromadlarini 30 foizidan kam bo'lmagan miqdorlarda jamoatchilik fikri asosida belgilangan tadbirlarni moliyalashtirishga yo'naltirishni, veb-saytlariga ularning natijalarini joylashtirsin.

11. Tuman hokimligi byudjet daromadlari va xarajatlarining ko'rsatkichlarini bajarilishini ta'minlash, soliq bazasini kengaytirish hamda iqtisodiy salohiyatini oshirish yuzasidan zarur chora-tadbirlar ko'rish, byudjet mablag'lari taqsimlovchilarning byudjet mablag'laridan samarali va maqsadli foydalanilishi hamda erishilgan natijalar Kengashga kiritib borilishini ta'minlasin.

12. Mazkur qaror bajarilishini nazorat qilish tuman hokimligi mas'ul rahbarlariga va xalq deputatlari tuman Kengashining "Mahalliy byudjetni shakllantirish va ijro etish, iqtisodiy islohotlarni amalga oshirish va tadbirkorlikni rivojlantirish masalalari bo'yicha doimiy komissiyasi" (D.Rahmonqulov) zimmasiga yuklatilsin.

Туман ҳокими



С.Солиев

Xalq deputatlari Rishton tuman
Kengashining
2022 yil 30 dekabrda
VI-48-127-11-158-K/22-son qaroriga
1-ilova

**Rishton tumani mahalliy byudjeti daromadlarining 2023 yildagi asosiy prognoz
ko'rsatkichlari**

минг сўмда

T/P	Daromad turlari	Жами
	Jami daromadlar	109 239 942
I.	Rag'batlantiruvchi (Stimuliruyuvchi) daromad	34 025 500
	Jismoniy shaxslardan olinadigan daromad solig'i	34 025 500
	Yuridik shaxslardan olinadigan foyda solig'i	
II.	Biriktirilgan daromadlar	41 116 200
	Tuman va shaharlarga biriktirilgan	28 365 000
1	Yagona soliq to'lovi	7 871 000
2	Jismoniy shaxslardan olinadigan daromad solig'i (ITD)	1 105 000
3	Jismoniy shaxslardan olinadigan yer solig'i	12 707 000
5	Jismoniy shaxslarning mol-mulkiga solinadigan soliq	6 488 000
6	Ijara to'lovlari	194 000
	Viloyat va tuman (shahar)lar byudjetlari o'rtasida taqsimlanadigan daromadlar	12 751 200
1	Benzin, dizel yoqilg'isi va gaz realizatsiyasidan soliq (AZS)	2 354 800
2	Noruda qurilish materiallari bo'yicha yer qaridan foydalanganlik uchu soliq	233 000
3	Suv resurslaridan foylanganlik uchun soliq	1 124 500
4	Jarimalar	1 566 900
5	Yuridik shaxslardan olinadigan yer solig'i	5 817 000
6	Yuridik shaxslarning mol-mulkiga solinadigan soliq	1 655 000
III.	Taqsimlanuvchi daromadlar (formula bo'yicha)	34 098 242
	Aholi soni (ming kishi)	
1	Alkogolga aktsiz solig'i (shu jumladan pivo)	13 794 486
2	Mobil aloqaga aktsiz solig'i	5 917 033
3	Tamaki mahsulotlari bo'yicha aktsiz solig'i	14 386 723

Xalq deputatlari Rishton tuman
Kengashining
2022 yil 30 dekabrda
VI-48-127-11-158-K/22-son qaroriga
2-ilova

**Rishton tumani mahalliy byudjetidan 2023 yilgi hududiy byudjet mablag'larini
taqsimlovchilarga ajratiladigan xarajatlarning umumiy cheklangan miqdorlari**

		МИНГ СЎМ
T/p	Tumanlar va shaharlar byudjetlaridan mablag' oluvchi hududiy byudjet mablag'lari taqsimlovchilar nomi	Сумма (МИНГ СЎМ)
1	Maktabgacha ta'lim bo'limi	25 211 215,0
2	Xalq ta'limi bo'limi	15 983 248,0
3	Tibbiyot birlashmasi	91 162 411,0
4	Madaniyat bo'limi	1 712 769,0
5	Sportni rivojlantirish bo'limi	3 505 020,0
6	Bandlik va mehnat munosabatlari bo'limi	700 628,0
7	Veterinariya va chorvachilikni rivojlantirish bo'limi	1 104 033,0
8	Irrigatsiya bo'limi	1 223 897,0
9	Qishloq xo'jaligi bo'limi	490 253,0
10	Tuman fermer, dehqon xo'jaliklari va tomorqa yer egalari kengashi (Markazlashgan hisobxona)	664 644,0
11	Obodonlashtirish boshqarmasi	12 085 999,0
12	Moliya bo'limi	1 306 862,0
13	Yoshlar ishlari agentligi hududi bo'limi	6 666 499,0
14	Kengash kotibiyatini saqlash xarajatlari	200 562,0
15	Mahalla va nuroniylarni qo'llab-quvvatlash bo'limi	5 713 421,0
	shundan	
	O'zini-o'zi boshqarish organlari (MFYlar)	5 225 797,0
16	Hokimiyat	97 882 676,0
	shundan	
	Hokimlikni saqlash xarajatlari	2 324 980,0
	Mahallabay ishlash va tadbirkorlikni rivojlantirish markazi	6 649 404,0
	Oila va xotin-qizlar bo'limi	4 282 391,0
	Ijtimoiy nafaqalar	67 332 000,0
	Ijtimoiy ko'nikma markazlari ("dastlabki ijtimoiy-moddiy yordam paketi" va markazni saqlash xarajatlari)	119 472,0
	"Tashabbusli byudjet" jamg'armasiga o'tkaziladigan mablag'lar	13 048 782,0
	Hokim yordamchilari tavsiyalari asosida mahalla infratuzilmasini yaxshilash uchun ajratilgan mablag'lar	1 625 000,0
	Zaxira jamg'armasi	2 500 647,0
	Xarajatlar jami	265 614 137,0

